



Nga Ebu Hurejreja -

radijallahu anhu - transmetohet se i Dërguari i Allahut, Muhammedi, paqja dhe lavdërimi i Allahut qofshin mbi të, ka thënë: "*Cilësitë e mynafikut (dyfytirëshit) janë tri: kur flet gënjen, kur premtan e thyen premtimin dhe kur i besohet tradhton*". [Hadithin e transmetojnë Buhariu, Muslimi dhe Tirmidhiu].

Domethënia e hadithit

Nifaku (dyfytirësia) numërohet prej cilësive të përbuzura dhe ndahet në dy lloje: Dyfytirësi në besim dhe dyfytirësi në vepër.

Dyfytirësi në besim do të thotë që njeriu ta shfaqë Islamin dhe ta fsheh kufrin (mosbesimin). Njeriu i tillë do të jetë përherë në zjarr, siç thotë Allahu i Lartësuar në Kur'an:

S'ka dyshim, mynafikët do të jenë në shtresën më të ulët të zjarrit dhe për ta nuk do të gjesh mbrojtës. (04:145)

Dyfytirësi në vepër janë cilësitë, të cilat i përmendi Pejgamberi Muhammed, paqja dhe lavdërimi i Allahut qofshin mbi të, në këtë hadith që flet për dyfytirëshin, e ato janë:

E para: Kur flet për çështje të fesë apo të kësaj bote gënjen.

E dyta: Po që se i premtan dikujt diçka nuk e mban premtimin dhe nuk është i sinqertë në fjalët që i thotë.

E treta: Nëse i besohet ndonjë pasuri e merr atë për vete ose shkuajdeset ndaj saj dhe nëse i besohet ndonjë sekret ua tregon njerëzve.

Edhe nëse këto cilësi nuk e nxjerrin vepruesin e tyre nga feja, edhe pse ekziston rreziku që ato ta çojnë në kufër, muslimani duhet të ruhet nga to sa më shumë që mundet.

Dobitë e hadithit

1. Dyftytyrësia është prej cilësive të përbuzura, largimi nga të cilat është detyrë për muslimanin.
2. Personi, i cili posedon cilësitë e përmendura në hadith është mynafik me vepër.
3. Është e mundur që të bashkohen te muslimani veçoritë e Imanit (besimit) dhe veçoritë e fiskut (mëkatit). Njeriu i tillë meriton dënimin në bazë të mëkateve që ai i posedon.

Përktheu: Jusuf Kastrati – Shembulli.com

Marrë nga libri “Hadithi”, Instituti i Mësimit të Gjuhës Arabe, Universiteti “Imam” - Riad